

Koha që të shkëlqejmë

Filip Riker, Ambasador i SHBA

20 mars 2009

Derisa Maqedonia përgatitet për zgjedhjet që vijojnë, e inkurajoj çdo qytetar që ta ushtrojë të drejtën e tij ose të saj demokratike, që të ndihmoni në zgjidhjen e drejtimit të vendit tuaj në ardhmëri. Kjo është një e drejtë vetëm e juaja dhe ju duhet të keni mundësi të votoni pa frikë, frikësim dhe dhunë. Presim nga qeveria juaj që t'i ndërmarrë hapat e nevojshme me qëllim që këto zgjedhje të jenë të lira dhe të drejta. Pjesëmarrja juaj në ditën e zgjedhjeve është po aq pjesë integrale për zgjedhje të sukseshme.

Unë dhe ekipi im kemi pasur takime me kandidatë dhe qytetarë në të gjithë vendin për të inkurajuar fer plej dhe debat të hapur në mes të kandidatëve, duke sjellë mesazhin e mbështetjes nga presidenti Obama dhe sekretarja Klinton. Vizita ime në Ohër, Veles, Tetovë, Strugë, Kumanovë dhe shumë vende të tjera më ka dhënë rastin përsëri të njoftohem me këtë vend të bukur dhe njerëzit e saj të shkëlqyeshém. Ne poashtu i ndihmojmë autoritetet në përpilimin e një plani sa më të mirë për ditën e zgjedhjeve me qëllim që ata të mund të ofrojnë një ambient pa dhunë, frikësim apo ndonjë parregullsi tjetër zgjedhore. Ky është kontributi i ditëve të fundit me të cilin ne e tregojmë përkushtimin tonë për suksesin e Maqedonisë. Ne duam që të gjithë qytetarët e Maqedonisë ta dinë se ne jemi të përkushtuar t'ju ndihmojmë që dhe ju të ndihmoni veten tuaj në arritjen e aspiratave euro-atlantike. Kur për herë të parë isha me punë në Maqedoni, Ballkani përballej me një krizë serioze. Më vjen mirë që dy vendet tona ndërtuan një bashkëpunim të ngushtë dhe partneritet të fortë gjatë edhe qysh prej atyre kohëve sfiduese.

Një elektorat aktiv është shenjë e qartë e një demokracie të sukseshme dhe për atë shak do t'ju lutem të mbani mend tre pika kyçe, kur të niseni drejt vendeve të votimit në 22 mars. Mos lejoni që të influencoheni nga të tjerët që të ndroni votën. Informojini autoritetet nëse besoni se nuk po ndiqen procedurat zgjedhore. Inkurajimi të tjerët të marrin pjesën në zgjedhjen e liderëve të ardhshëm të Maqedonisë.

Ata që kandidohen do t'i kisha inkurajuar të shfrytëzojnë ditët e fundit para zgjedhjeve për të u përqëndruar në vizionet dhe planet për ardhmérinë e Maqedonisë, e jo në sulmimin e oponentëve. Qytetarët e këtij shteti meritojnë lidership të pjekur me ton pozitiv. Atmosfera që e krijoni gjatë fushatës luan rol të rëndësishëm në ate se çka ndodh ditën e zgjedhjeve. Poashtu shpresoj se tranzicioni i pushtetit që e pamë në Shtetet e Bashkuara do të shërbejë si shembull për atë që do të ndodh këtu pas zgjedhjeve. Nuk e di a kam qenë ndonjëherë më krenar si qytetar, se kur e pass senatorin Mekejn se si me dinjitet e pranoi humbjen dhe u angazhua të punojë me presidentin e zgjedhur Obama për të mirën e vendit. Nga ana tjetër, presidenti Obama zgjodhi të takohet me senatorin Mekejn dhe liderët nga Partia Republikane dhe të dëgjojë idetë e tyre për të lëvizur vendin para. Ai poashtu vendosi anëtarë të Partisë Republikane, të “opozitës”, në pozita kyç në administratë, për të bashkuar vendin në ballafaqimin me sfidat e shumta. Besoj se një skenar i ngjashëm këtu do të ndihmonte në bashkimin e qytetarëve të Maqedonisë dhe avancimin e aspiratave euro-atlantike.

Në fund, dëshiroj të nënvisojoj se bota do të ndjek se çka po ndodh me 22 mars. A do të jetë Maqedonia shembull për atë se si një demokraci multi-etnike mund të jetë e suksesshme në shekullin 21? A do të demonstrojë më tej se pranimi në institucionet euro-atlantike duhet të ndodh sa më shpejt? A do ti len gabimet e vitit 2008 në të kaluarën për t'u përqëndruar në sigurimin e ardhmërisë më të mirë? Besoj se përgjigjja për të gjitha këto pyetje mund të jetë një “Po!” e zëshme. Zgjidhja është a juaja.